

آبونه شرائطی : هریر
ایچون سنه لکی (۲۷۵)
آلی آیلغی (۱۵۰)

نسخه سی ۵ غروشدور .
ایکی نسخه برآراده
(۱۰) غروشدور
سنه لکی ۵۲ نسخه در .

اداره خانه : باب عالی جاده سنده
رشید افندی خاندنه

اخطارات
آبونه بدلی پشیندر .

مسدکه موافق آثار مع الممنونیه
قبول اولنور . درج ایدله یین
یازیلر اعاده اولنماز .

کتابخانه

سر ۱۳۳۰

آدرس تبدیلانده ایرلیجه
۵ غروش کوندرملیدر .

مکتوبلرک امضاری واضح
واوقوناقلی اولسی و آبونه
صره نومروسنی محتوی
بولونسی لازمدر .

ممالک اجنبیه ایچون آبونه
اولانلرک آدرس لرینک
فرانسزجه یازلسی رجا اولنور .

پاره کوندردلیکی زمان نهیه
دائر اولدینی بیلدیرلسی
رجا اولنور

اتبعون اهدکم سبیل ارشاد

صاحب و مدیر
اشرف ادیب

باش محرز
محمد عاکف

والله یهدی من یشاء الی صراط مستقیم

مصر غزته لری مطبوعات اسلامیه نك مركزى و بوتون دنيا مسلمانلرينك نقطه تعارفيدر . مسلمانلري يكدىكرينك احوالدين اك زياده معلوماتدار ايدن مطبوعات مصر مطبوعاتيدر . فقط حرب عمومى اعلان اولونور اولونمازمصر غزته لرينك هندستانه كيرمانى منع اولونمش و بونلر عسكرى سانسوره تابع طوتولمشدى . آنجق آره صيردهندستانه (المقطم) غزته سى كليردى . [بوغزته انكليز طرفداريدر .] بوندن باشقه خجازه نشر اولونان (القبلة) منتظماً كوندريليرورجال حكومت طرفدن ، سياسى و عسكرى سيلردن طولاي موقوف اولانلره بيله ، مجاناً توزيع ايديليردى .

بالتيجه هندستان ايله عالم اسلام آره سنده كي بوتون اسباب تعارف قطع اولونمش ، هندستانك ، مجاهداتى خارخده هان هان هيچ طوبولما مشدر . اوت ، هندستانك رفاه و راحت اينجده ياشيان بيكلرجه اولادلرينك خارجده كي قرده شلرينك حريتى اوغورنده حريت شخصيه لرني فدا ايتدكلري ، اولنرك نجاتي يولنده حبسخانه لره طيقيدقلى ، اولنرك دعوالري ايچون اسارنك بوتون آجيلريني طاقده دوام ايتدكلري هان هان معلوم دكل كي در .

هندستانليرك كنديلري اسارت آلتنده اولدقلى حالده خلافت اسلاميه و مهد اسلام ايله مرا كز اسلاميه و بلادعربيه اوغورنده وقوع بولان مجاهداتندن مسلمانلرك خبرى وارى ؟

مسلمانلرك بونلردن خبرلري يوقسه بونك مواصلاتك انقطاعندن ، يوللرك انسدادندن باشقه برسبي دها واردركه اوده هندستانده اقوام اسلاميه نك بين الملل لسانى اولان لسبان دين ايله بر غزته نك انتشار ايتامسيدر .

بز بوتقسانى تلافى ايتك امله (الجامعه) بي نشره باشلادق . هندستانده اوچ يوزمليون انسان ياشامقده دركه بونلرك يوزمليونى مسلماندر . متباقيسى وئيدر . شبه يوق كه يوز ميلونلرجه انسانلر برر اوچ طوبراق بيله آتسلر دشمنلريني ديرى ديرى كومه رلرواوندن قورتولورلر . حال بوكه بو اوچ يوز ميلونلر كتله به ۱۲۰۰ انكليز مأموريله ۱۰۰ بيك انكليز عسكرى حاكم بولونمقده در .

فى الحقيقه بوك غريب برشيدر . فقط سيللري چوقدر . وبوسيللر سائر شرق ملتلريني سقوط ايتديرن اسبابه ممانلدر .

بوسيللرك اك برنجيسى هندلير آره سنده كي منازعات مليه ، مختلف طائفه لر آره سنده كي مجادلاندر . انكليز سياسى هندستانه حاكم اولدينى دقيقه دن اعتباراً هندلير آره سنده تفراقلري شدتلديره رك هيسنه حاكم اولق يولنى تعقيب ايتمش و موفق اولمشدر . بوندن طولاي هندستانلير متماديا بربرلره ديدينوب طور مشلدر . بر مدت بوكره هندلرك عقللري باشلرينه كلش ، حكومتك حيله سنى اكلامش و بناء

ايچون بو ضلالت اخلاقيه نك اوكنه كچمك لازمدر . و كچيله جكدرد . دشمنلره قارشى (وطن) ك قابولريني قابايان آناطولى (وجدان و اخلاق) قابولريني ده آجيق براقجق دكلدر .

بوكون مطبوعات يوميه مزه بوخصوصده ده چوق بويوك وظيفه لر ترتيب يتمكده در . زمانك زاكتنى تقدير ايدرك ، اخلاقسزلفه قارشى متحيداً حركت ايله حكومتتمزك و طسائفى تسهيل ايتك هر مسلمانك اك متحتم وظيفه سيدر . الله طريق حقندن صابانلره هدايت احسان ايلسون .

هندستانه

حركت اسلاميه سى

هندستانك قالكوتا شهرنده اخيراً لسان قرآن ايله انتشاره باشلايان (الجامعه) رقيقز هندستان حركت اسلاميه سى حقنده برسلسله مقالات نشرينه باشلامشدر . شايان دقت اولان بومقالاتي بزده برر برر قارلريمزه نقل ايديبورز .

حرب عمومينك اك بويوك فلا كتلردن برى بالخاصه شرق و اسلام مملكترلر آره سنده بردن بره مواصلات و مخبراتى انقطاعه دوچار ايتمه سى و بويوزدن بونلرك بوتون بوسائط حاضريه رغماً يكدىكرندن خبردار اولما مليردر . طبيعي بونك بكانه سببى حرب دكلدر . چونكه حرب رغماً جبل طارق بوغازندن چين ده كزلرينه قدر يوللر آجيق اولقله برابر بويوللر بر طرفك النده ايدى . ده كزلره حاكم اولان انكلتره كندى منافعه اويغون اولمايان ، استهداف ايتديكى حربى غايه لره توافق ايتمين هرشيئه قارشى بونلري سد ايتمه كه موفق اولمشدى . انكلتره ، عوامل معنويه و فكريه نك ظفرى احراز ايتك خصوصنده طويله تفنكندن دها مؤثر اولديغنى بيلديكندن بوتون طرق مواصلات و مخبراتى صيقى برقوتروله تابع طوتمش و سياسى پروباغانديه فوق العاده اهميت ويره رك حواشه ايتسته ديكي قابى و بريور ، حقتائى كيزله ور و بوسورتله ظفره طوغرو كيديبوردى .

عثمانلى دولتنك حرب عمومى به اشتراكى بووضعئى بوس بوتون صيقيشسيدردى . چونكه انكلتره ممالك اسلاميه به هجومه باشلايدىندن هندستانده وضعئى بك نازكلاشمشدى . هندستان مسلمانلرينك مرا كز اسلاميه ، وبالخاصه صوك اسلام دولتى اولان عثمانلى دولته قارشى پرورده ايتدكلري حسيات معلوم اولديغندن انكلتره سويش قابالى ايله هندستان آره سنده كي بوتون مخبراتى انقطاعه دوچار ايتمش ، شرق قريبدن هندستانه مهيج برتك خبرك كيئامسته ، هندلير طرفندن رفع ايديلن آواز اشتكانك هندستانه اولاشمامسته چالشمشدى .

بو پک مهم و پک اساسی بر ایشدی . فقط ۱۹۱۲ سنه سنه قدر برشی یاییلمادی .

ایشته هندستان مسلمانلری بویلم او یقوده ایکن طرابلس غرب محاربه سی وقوع بولارق ایتالیا بو اسلام ولایتته تجاوز ایتدی و اوزاده کی مسلمانلرک بویوننه قلیجی دایادی . بو محاربه نیک خبرلری ایلمک دفعه اولارق هندستان مسلمانلری صاردی ايسه ده بونلرک او یقوسی بویله بر صارصیتی ایله او یاییقلغه مبدل اولاجق کبی دکلدی . بویله اوزاقدن کان بر صارصیتیدن زیاده ایچدن کان بر صیحه ، قافالری و قلیلری او یاندیره جق بر صیحه انتباه لازمدی .

اسباباً جناب حق ، بویله خواب غفلته واره رق سكرات موت ایچنده یاشایان ملتلی او یاندیرمق و اونلره تفخ حیات ایتک کبی معظم ایشلری درعه ده ایدم جک اولانلری کوندرمه یی اسیرکه مز . بعضاً انتظار زمانلری اوزارسه ده نهایت مجددلر ظهور ایدرک منسوب اولدقلری ملتله تازه بر حیات افاضه ایدرلر .

ایشته هندستانده ده ۱۹۱۲ سنه سنه مسلمانلرک اجتماعی ، سیاسی ، دینی حیاتنده بردن بره بر انقلاب وقوع بولدی . پک قوتلی بر حرکت مسلمانلره هر خصوصه اجرای تأثیر ایتش و پک قیصه بر زمان ایچنده مملکتک اک نفوذلی ، اک صاعلام قوتی اولمشدر .

بو حرکتک باشنده مولانا (ابوالکلام احمد) بولونیوردی . مشارالیه بر طرفدن اصل مسلمانلی احیایه ، دیگر طرفدن مسلمانلری حریت واستقلال او غورنده مجاهده به دعوت ایدیور و بودعوتی هر طرفه قبول ایله قارشیلانیوردی . مولانا ابوالکلامک ترجمان افکاری (الهلک) مجموعه سی اولدیغندن بو حرکت ودعوته « هلال دعوتی » اطلاق اولومغده در .

بو حرکتک ظهور وسرعت انتشاری جداً محیرالعقولدر . چونکه بو حرکتک سرعت انتشاری بر مانعه به تصادف ایتامسنه مبنی دکلدی . چونکه هر دقیقه ده مخالفلر قیامتله قوپارییورلردی . بر طرفدن حکومت بو تجدد وانتباه حرکتی بو غمق ایچون النده کی وسائطک کافه سی قوللانیوردی . دیگر طرفدن بوتون مؤسسات ملیه یی استیلا ایدن زمره لر بو حرکت قارشی پک بی امان بر شدله مجاله ایدیورلردی . و بوتون بو قوتلی مساومتله قارشی مولانا ابوالکلام تک باشنه مجادله ایتش وهیسنی یکمشدر . بر سنه ظرفنده ابوالکلامک دعوتی بوتون هند مسلمانلری تسخیر وتوحید ایله مشدر . بونک اوزرینه حکومت مقاومتک بیهودیه اولدیغنی ا کلامش ، مخالفلرده حق وحقیقته سرفروندن باشقه چاره بولامشدر .

علیه عمومی ، سیاسی ملی بر جمعیت تشکیل ایدرک هندستانک حریت سیاسی سی ایسته مکه باشلامشدری . فقط مسلمانلر حالا اویور ، حالا حکومتک النده بر آلت اولارق قوللانیلیور ، وطنداشترین قارشی خصوصتکارانه حرکت ایدیور ، اجنبی حرصلرینک آلت تطبیقی اولویور ، حریت واستقلالک کندیله رینه اراث ضرر ایدرک هندولری اوزرلرینه مسلط ایدم جکفی ظن ایدیورلردی . بو فکر او قدر حاکم ایدی که یکی مکتبلردن نشئت ایدرک علوم عصریه ایله تجهیز ایدن و کندیله رندن مملکتک ایچون بر خیر اومولان کنجلر بیله حکومته میل ایتشدر و آحاد ناسدن فضله مملکتی متضرر ایشلردی . چونکه بونلر جمعیت ملیه به کیرمکه واتحادی تأسیس ایتمکه مانع اولمشدری . هندستان مسلمانلرینک ملیتی مسلمانلقدر . کندیله رینی مسعود ایدم جک ، یوکسلته جک یکانه قوت ، دین قوتیدر . فقط مع الاسف مسلمانلر آرمسنده اولنلری او یاندیره جق ، اولنلرک اولو اجسادینه فعالیت وهمت زرق ایدم جک بر دعوت دینه وقوع بولما یوردی .

معلوم اولدیغنی اوزره دین نامه بر انتباهه سائق اولاجق جماعت علما و مشایخدر . حال بو که بونلرده غفلت ایچنده ایدی . دین نامه تقلید ، دین نامه عاداتک تحکمی ادامه دن باشقه بر شیشه خادم دکلدی . بوندن طولانی صاف و خالص دین یرینه بر سور و خرافه لرله بدعتلر قائم اولمشدی . کتاب الله ایله سنت سنیه مهجور ، نظر واجتهاد قابولری مسدود ، تحصیل قرآن جلالین ایله مضایقه منحصر اولدیغنی کبی سائر علوم دینه ده بوکا مقیس ایدی . ملای احیایله ، بر طاقم دینی ، ملی وظائف ایله ، بر طاقم اجتماعی فعالیتلره مکلف اولدقلری علمانک خاطرینه بیله خطور ایتیه یوردی . بالعکس بونلر بو او غورده وقوع بولاجق هر حرکتی « سیاست ۱ » عد ایدیور و « علمانک سیاسته نه علاقه سی واردر ؟ علمله سیاست هیچ بر اشیرمی ؟ » دیورلردی . دها فاسی بر طاقم (علماء سوء) ک تورده سی ، بر طاقم فتنه لری ایقاظ ایتدلی ، ملتک قافاسنه تحکم ایللری اولدی که بونلر بوتون بوتون ابواب فلاحی قاپادیلر .

اوتوز سنه دن بری علمانک اصلاح حال ایتله رلی ایچون وقوع بولان دعوتلر (ندوة العلماء) نامیله بر جمعیتک تشکله سائق اولمش ، فقط بو جمعیتک مساعیسی بر طاقم تفرعاته صابلا ندیغندن اساسی هیچ بر تجدد یاییلمامشدی . حال بو که اول بول ملتک قلب و دماغنی اصلاح ایتک کر کدی . بونلرک صلاحیه در که بوتون موجودیت کسب صلاح ایدردی . یعنی علمای اسلام ایله منور کنجلیکی وظائف ملیه واجتبه عیسه یی ایفایه دعوت اقتضا ایدیوردی . عینی زمانده بودعوتک نفوذ وقوتی سائر قوتلره سرایت وجهله سی متأثر ایدردی .